

KEBERKESANAN JAWATANKUASA KEMAJUAN DAN KESELAMATAN KAMPUNG (JKKK) DI DAERAH KUBANG PASU, KEDAH.

Zainal Md Zan¹ & Mohd Fitri Abdul Rahman²

^{1,2} Senior Lecturer, School of Government, UUM College of Law, Government and
International Studies, Universiti Utara Malaysia

Abstract:

Village Development and Security Committee (JKKK) plays a fundamental role in Malaysia's development. It became an agent of transformation of rural communities and responsible for socio-economic mobilizations at the grassroots level. However, the effectiveness of JKKK in development is often debated. This paper presents the findings of a study conducted in Kubang Pasu, Kedah to measure the effectiveness of JKKK. 259 respondents from among the JKKK in Kubang Pasu District were involved. The results showed that the JKKK in Kubang Pasu play its role effectively. Three of the most critical challenges faced by the JKKK have been identified which are: budget in management, dissension society due to political affiliation and low interest youth in organized activities.

Keywords: Rural development, Village Development and Security Committee (JKKK)

Abstrak:

Jawatankuasa Kemajuan dan Keselamatan Kampung (JKKK) memainkan peranan yang amat besar dalam pembangunan negara. Ia menjadi agen transformasi komuniti luar bandar yang bertanggungjawab mengerakkan sosioekonomi penduduk di peringkat akar umbi. Keberkesanan agen pembangunan yang sangat rapat dengan komuniti ini seringkali diperdebatkan. Kertas ini membentangkan dapatan kajian yang dilakukan di Daerah Kubang Pasu, Kedah terhadap seramai 259 orang responden yang terdiri daripada JKKK di Daerah Kubang Pasu bertujuan untuk mengukur tahap keberkesanan peranan JKKK. Hasil analisis kajian mendapati JKKK di Daerah Kubang Pasu memainkan peranannya dengan berkesan. Selain itu juga, kajian dapat mengenalpasti tiga cabaran yang paling kritikal yang dihadapi oleh JKKK di Daerah Kubang Pasu iaitu masalah kos-kos pengurusan kampung, pepecahan masyarakat akibat fahaman politik dan minat belia yang rendah dalam aktiviti yang dianjurkan.

Kata Kunci: Pembangunan Luar Bandar, Jawatankuasa Kemajuan dan Keselamatan Kampung (JKKK)

1.0 Pengenalan

Kesejahteraan masyarakat merupakan matlamat utama dalam proses pembangunan negara yang memerlukan tumpuan dalam pelbagai dimensi seperti perubahan terhadap struktur masyarakat, sikap dan institusi serta turut melibatkan pertumbuhan ekonomi, pembasmian kemiskinan dan ketidakadilan dalam masyarakat. Ianya juga melibatkan proses menyusun dan mengorientasikan semula sistem ekonomi dan sosial, peningkatan pendapatan, peningkatan pengeluaran, perubahan institusi sosial, struktur pentadbiran, adat resam dan kepercayaan (Todaro, 1977; Rozali Hashim, 2005). Kejayaan sesuatu pembangunan yang dirancang juga bergantung kepada peranan komuniti sebagai pendokong kemakmuran dan kemajuan sesuatu kawasan. Komuniti haruslah terlibat secara langsung seiring dengan konsep kelestariannya iaitu pelaksanaan urusan tadbir yang baik, akauntabiliti, penyertaan dan disentralisasi kuasa, kebolehamalan, dan ketulusan (Rogers et al., 2008). Melalui penglibatan secara langsung ini, pelbagai faedah dihasilkan malahan berupaya mempengaruhi hala tuju sesuatu pembangunan sesuai dengan keperluan, keinginan dan permasalahan yang dihadapi oleh mereka. Dalam hal ini, pemimpin peringkat bawahan memainkan peranan penting dalam mengepalai dan menggerakkan penglibatan masyarakat luar bandar dalam perancangan dan pembangunan. Dalam sesebuah komuniti, kepimpinan yang berkesan penting agar dapat memastikan kejayaan dalam pelaksanaan program pembangunan luar bandar yang dirancang oleh kerajaan. Kepimpinan luar bandar juga berperanan sebagai perantara di antara kerajaan dan masyarakat berkaitan agenda pembangunan negara.

Namun, akhir-akhir ini kepimpinan luar bandar dilihat semakin kurang memberangsangkan dan kehilangan pemimpin yang berpotensi dan berkaliber. Hal ini disebabkan oleh penghijrahan generasi muda yang berpendidikan dan berpengetahuan tinggi ke bandar. Kekurangan generasi yang berpotensi dan berkaliber menjadi masalah yang serius kerana modal insan yang cemerlang dan kepimpinan yang baik adalah aset penting yang berperanan dalam pembangunan kawasan kampung yang maju, menarik dan menguntungkan (Pelan Induk Pembangunan Luar Bandar, 2010).

2.0 Jawatankuasa Kemajuan dan Keselamatan Kampung (JKKK)

Jawatankuasa Kemajuan dan Keselamatan Kampung (JKKK) merupakan organisasi yang ditubuhkan oleh kerajaan sebagai satu bentuk saluran untuk menyalurkan projek pembangunan fizikal dan mental kepada komuniti luar bandar (Anuar Long, 2000). JKKK merupakan agen pentadbiran dan pembangunan di peringkat bawahan dan paling hampir dengan penduduk kampung. Hubungan yang rapat dan dekat ini membolehkan JKKK memahami denyut nadi dan segala kehendak serta keperluan masyarakat. JKKK juga membolehkan wujudnya ruang dan peluang kepada rakyat bersama-sama melibatkan diri dalam proses perancangan dan pelaksanaan pembangunan setempat (Yusof Abdullah, 2003). JKKK juga bertanggungjawab untuk merancang dan melaksanakan pelan tindakan pembangunan kampung ke arah mewujudkan kampung yang maju, menarik dan menguntungkan. Selain itu, JKKK juga bertanggungjawab dalam mewujudkan perpaduan masyarakat melalui aktiviti-aktiviti kemasyarakatan. Badan ini juga berperanan sebagai mata dan telinga pihak kerajaan di peringkat kampung dalam usaha mendengar, memerhati serta menerima segala bentuk aduan rakyat mengenai segala masalah atau konflik yang berlaku di dalam kawasan komuniti

tersebut. Namun demikian, pelbagai isu berkaitan kepimpinan, fungsi dan peranan JKKK menjadi cabaran kepada institusi tersebut melaksanakan tanggungjawab kepada masyarakat. Antara kelemahan dan masalah yang seringkali dihadapi oleh JKKK ialah soal politik kepartian yang mendasari kepimpinan JKKK (Anuar Long, 2000), taraf pendidikan ahli JKKK yang rendah (Bahagian Kemajuan Masyarakat dan Luar Bandar, 1978) sistem penyampaian maklumat yang digunakan oleh JKKK di sesetengah tempat yang kurang berkesan (Norazrin Sabrun, 2011), kurangnya penglibatan masyarakat setempat terutamanya golongan belia dalam aktiviti yang dianjurkan oleh JKKK dan kurang memahami peranan masing-masing dalam meningkatkan sosioekonomi komuniti luar bandar kerana kurang pengetahuan dan pertindihan tugas (Anuar Long, 2000).

3.0 Keberkesanan Jawatankuasa Kemajuan dan Keselamatan Kampung (JKKK): Kajian Kes Daerah Kubang Pasu, Kedah

Menerusi kajian ini, populasi yang dikaji adalah ahli-ahli JKKK di Daerah Kubang Pasu, Kedah. Seramai 259 orang daripada ahli JKKK di Daerah Kubang Pasu, Kedah terlibat dan dipilih secara rawak mudah. Dapatan kajian menunjukkan bahawa kebanyakan responden memilih skor yang tinggi dan hampir kesemua aspek yang dikaji adalah pada tahap yang tinggi. Oleh itu secara keseluruhannya, JKKK di Daerah Kubang Pasu telah memainkan peranannya dengan berkesan dalam memenuhi agenda transformasi komuniti luar bandar. Bagi aspek cabaran-cabaran yang dihadapi terdapat tiga cabaran yang paling mendapat skor tertinggi iaitu cabaran mengenai masalah kos-kos pengurusan kampung, pepecahan masyarakat akibat fahaman politik dan minat belia yang rendah dalam aktiviti yang JKKK laksanakan.

3.1 Kesedaran Peranan JKKK dalam Membangunkan Kawasan Kajian

Tanggungjawab dan peranan yang dimainkan oleh JKKK dalam membangunkan kawasan pentadbiran mereka diukur melalui tahap kesedaran dan kefahaman JKKK dalam memainkan peranannya sebagai pemimpin di peringkat kampung. Kajian mendapati kekerapan responden seperti di bawah berdasarkan kenyataan-kenyataan berikut:

- i. Sebanyak 64.1 peratus (166 orang) responden dengan nilai min 4.6 bersetuju bahawa "*JKKK bertanggungjawab menjaga keselamatan kampung*".
- ii. sebanyak 61.4 peratus (159 orang) responden dengan nilai min 4.6 "sangat setuju" dengan kenyataan "*JKKK menjadi penghubung antara komuniti dengan kerajaan*" menunjukkan
- iii. Sebanyak 47.9 peratus (107 orang) responden dengan nilai min yang diperolehi adalah 4.3 bahawa "*JKKK bertanggungjawab membangunkan ekonomi penduduk kampung*".
- iv. Sebanyak 47.9 peratus (124 orang) responden dengan nilai min 4.4 responden "setuju" bahawa "*JKKK perlu merancang dan melaksanakan pelan tindakan pembangunan kampung*".
- v. 46.3 peratus (120 orang) responden dengan nilai min 4.4 sangat bersetuju bahawa "*JKKK bertindak menyelaras program-program yang dilaksanakan di kampung-kampung*".

Jadual 1 menunjukkan tahap kesedaran responden terhadap peranan JKKK dalam membangunkan kawasan kajian. tahap tersebut dibahagi kepada tiga tahap iaitu rendah,

sederhana dan tinggi. Secara keseluruhannya tahap kesedaran responden terhadap peranan JK KK dalam membangunkan kawasan kajian adalah tinggi. Ini dapat dilihat dengan peratusan tertinggi responden adalah pada tahap “tinggi” iaitu 95.4 peratus (247 responden).

Jadual 1: Tahap Kesedaran JK KK dalam Membangunkan Kawasan Kajian

Perkara	Bilangan Subjek (Responden)	Peratusan	Min
Kesedaran JK KK dalam Membangunkan Kawasan Kajian			
Rendah	1	0.4	
Sederhana	11	4.2	3.0
Tinggi	247	95.4	

Sumber: Kajian Lapangan, 2013.

3.2 Kemahiran dan Kebolehan responden dalam mentadbir kawasan kajian

Selain itu, kemahiran dan kebolehan JK KK dalam melaksanakan tugasnya sebagai JK KK diukur melaui lima soalan yang diutarakan seperti berikut:

- Bagi kenyataan “*Saya tahu menggunakan teknologi Komputer dalam tugas harian*”, sebahagian besar responden “setuju” dengan 43 peratus (112 orang) responden dengan nilai min 3.7.
- Bagi kenyataan “*Saya selalu menggunakan internet untuk tugas harian*”, kekerapan tertinggi responden adalah bagi jawapan “setuju” dengan 32 peratus (83 orang) responden dengan nilai min 3.3
- Bagi kenyataan “*Saya menguasai bahasa inggeris dengan baik*”, kekerapan sebahagian besar responden adalah “tidak pasti” iaitu sebanyak 39.8 peratus (103 orang) responden dengan nilai min 2.8.
- Bagi kenyataan “*saya peka terhadap isu-isu semasa*”, kekerapan responden bagi jawapan “setuju” adalah sebanyak 51.4 peratus (133 orang) responden dengan nilai min 4.1.
- Bagi kenyataan “*Saya boleh berucap dengan baik di depan orang ramai*” mendapati jawapan “setuju” iaitu sebanyak 44.4 peratus (115 responden) dengan nilai min 3.8.

Jadual 2: Tahap Kemahiran dan Kebolehan Responden Mentadbir Kawasan Kajian

Perkara	Bilangan Subjek (Responden)	Peratusan	Min
Kemahiran dan Kebolehan Responden Mentadbir Kawasan Kajian			
Rendah	10	3.9	
Sederhana	137	52.9	2.4
Tinggi	112	43.2	

Sumber: Kajian Lapangan, 2013.

Jadual 2 menunjukkan tahap kemahiran dan kebolehan dalam mentadbir kawasan kajian. Tahap tersebut dibahagi kepada tiga tahap iaitu rendah, sederhana dan tinggi. Secara keseluruhannya tahap kemahiran dan kebolehan responden dalam mentadbir kawasan kajian adalah sederhana. Ini dapat dilihat dengan peratusan tahap “sederhana” adalah paling tertinggi iaitu 52.9 peratus (137 responden) dan min keseluruhan yang diperolehi adalah 2.4.

3.3 Keberkesanan JKKK di Kawasan Kajian

Selain itu terdapat tujuh belas soalan dikemukakan bagi menilai kesan kepimpinan JKKK ke atas kawasan pentadbiran mereka sama ada JKKK berjaya atau pun tidak mentadbir kawasan mereka dengan melakukan pembaharuan.

- i. Item pertama “*JKKK kampung ini berjaya meningkatkan pendidikan anak-anak kampung*” menunjukkan sebanyak 30.1 peratus (78 orang) responden “sangat setuju” iaitu dan nilai min yang diperolehi adalah 4.1.
- ii. Item kedua “*JKKK kampung ini sering mengendalikan latihan-latihan kepada masyarakat*” menunjukkan sebanyak 45.2 peratus (78 orang) responden adalah “setuju” dan nilai min yang diperolehi adalah 3.7.
- iii. Item ketiga “*JKKK kampung ini sering melaksanakan program-program pertanian yang dirancang*” menunjukkan sebanyak 41.7 peratus (108 orang) responden “setuju” dan nilai min yang diperolehi adalah 3.8.
- iv. Item keempat “*JKKK kampung ini sering bermesyuarat berkaitan pembangunan kampung*” menunjukkan iaitu sebanyak 50.2 peratus (130 orang) responden “sangat setuju” dan nilai min yang diperolehi adalah 4.4.
- v. Item kelima “*JKKK selalu di rujuk oleh penduduk di kampung ini*” menunjukkan iaitu sebanyak 47.5 peratus (123 orang) daripada responden “setuju” dan nilai min yang diperolehi adalah 4.3.
- vi. Item keenam “*JKKK kampung ini mendapat kerjasama penuh daripada masyarakat*” menunjukkan sebanyak 45.2 peratus (117 orang) responden “setuju” dan nilai min yang diperolehi adalah 4.3.
- vii. Item ketujuh “*JKKK kampung ini berjaya mengurangkan masalah kemiskinan di kampung ini*” menunjukkan sebanyak 48.6 peratus (126 orang) responden “setuju” dan nilai min yang diperolehi adalah 4.1.
- viii. Item kelapan “*JKKK kampung ini sentiasa mempunyai idea-idea baru*” menunjukkan. Jawapan tertinggi daripada responden adalah “setuju” iaitu sebanyak 50.2 peratus (130 orang) dan nilai min yang diperolehi adalah 4.1.
- ix. Item kesembilan “*JKKK kampung ini sering menyampaikan maklumat daripada kerajaan kepada penduduk*” menunjukkan sebanyak 47.9 peratus (124 orang) responden “setuju” dan nilai min yang diperolehi adalah 4.4.
- x. Item kesepuluh “*JKKK kampung ini berjaya menjaga keselamatan kampung*” menunjukkan sebanyak 53.3 peratus (138 orang) responden adalah “setuju” dan nilai min yang diperolehi adalah 4.3.
- xi. Item kesebelas “*JKKK kampung ini berjaya memastikan kemudahan infrastruktur yang baik*” menunjukkan sebanyak 55.2 peratus (143 orang) responden “setuju” dan nilai min yang diperolehi adalah 4.2.
- xii. Item kedua belas “*JKKK kampung ini berjaya memastikan kemudahan jalan raya yang baik*” menunjukkan sebanyak 49 peratus (127 orang) “setuju” dan nilai min yang diperolehi adalah 4.2.

- xiii. Item ketiga belas “*JKKK Berjaya memastikan kemudahan bekalan air yang memuaskan*” menunjukkan sebanyak 47.9 peratus (124 orang) “setuju” dan nilai min yang diperolehi adalah 4.2.
- xiv. Item empat belas “*Agensi kerajaan selalu datang ke kampung ini bekerjasama dengan JKKK melaksanakan program-program*” menunjukkan sebanyak 45.6 peratus (118 orang) responden “setuju” dan nilai min yang diperolehi adalah 4.9.
- xv. Item kelima belas “*Keputusan JKKK sering mendapat bantahan daripada penduduk*” menunjukkan sebanyak 25.9 peratus (67 orang) “tidak setuju” dan nilai min yang diperolehi adalah 2.6.
- xvi. Item keenam belas “*Secara umumnya JKKK kampung ini berkesan memainkan peranannya*” menunjukkan. Jawapan tertinggi daripada responden adalah “setuju” iaitu sebanyak 54.4 peratus (141 orang) dan nilai min yang diperolehi adalah 4.2.
- xvii. Item ketujuh belas “*Secara keseluruhannya, JKKK kampung ini berjaya membangunkan kampung*” menunjukkan sebanyak 51.7 peratus (134 orang) responden adalah “setuju” dan nilai min yang diperolehi adalah 4.2.

Jadual 3 merupakan tahap keberkesanan JKKK di kawasan kajian. Tahap tersebut dibahagi kepada tiga tahap iaitu rendah, sederhana dan tinggi. Secara keseluruhannya tahap sikap responden dalam kepimpinan JKKK adalah tinggi. Ini dapat dilihat dengan peratusan tahap “tinggi” adalah paling tertinggi iaitu 81.1 peratus (210 responden) dan min keseluruhan yang diperolehi adalah 2.8.


Jadual 3: Tahap Keberkesanan JKKK di Kawasan Kajian

Perkara	Bilangan Subjek (Responden)	Peratusan	Min
Keberkesanan JKKK di Kawasan Kajian			
Rendah	4	1.5	2.8
Sederhana	45	17.4	
Tinggi	210	81.1	

Sumber: Kajian Lapangan, 2013.

4.0 Cabaran JKKK Kawasan Kajian dalam Pembangunan Komuniti Luar Bandar

Dalam JKKK memainkan peranannya, pelbagai isu dan masalah dihadapi. Kajian mendapati beberapa cabaran utama yang dihadapi oleh JKKK seperti ditunjukkan dalam Carta 1. Terdapat sembilan cabaran yang dikemukakan oleh responden berdasarkan kawasan masing-masing. Dapatan mendapati, cabaran yang paling kritikal dengan peratusan yang besar yang dihadapi oleh responden adalah masalah kos-kos pengurusan kampung. Selain itu terdapat cabaran-cabaran lain yang kritikal seperti perpecahan masyarakat akibat fahaman politik, minat belia yang rendah terhadap aktiviti yang dilaksanakan, penerimaan penduduk terhadap JKKK yang lemah, masalah kekangan masa, tahap pengetahuan JKKK yang rendah, ahli JKKK yang tidak peka terhadap dasar-dasar kerajaan, masalah kerjasama di antara ahli dan aspek komunikasi JKKK yang lemah.



Sumber: Kajian Lapangan, 2013.

Carta 1: Cabaran-cabaran yang Dihadapi JKKK

5.0 Rumusan

Secara keseluruhannya, kajian mendapati bahawa JKKK dapat menjalankan peranan dan tanggungjawabnya sebagai institusi yang paling hampir dengan masyarakat. Kesedaran yang tinggi responden menunjukkan bahawa mereka tahu akan tanggungjawab yang dipikul. Namun demikian, dapatan menunjukkan tahap kemahiran dan kebolehan responden sebahagian besarnya pada tahap sederhana dan tinggi. Akhir sekali kajian mendapati pelbagai cabaran-cabaran masakini yang dihadapi oleh JKKK dalam melaksanakan tanggungjawabnya. Cabaran-cabaran ini sudah pastinya memberikan impak terhadap keberkesanan pelaksanaan program pembangunan di peringkat lokal. Kajian ini diharapkan dapat memberikan gambaran yang lebih jelas tentang keberkesanan JKKK masakini dalam membangunkan kawasan kajian. Ia juga diharapkan dan dapat membantu pihak JKKK khususnya dalam menjalankan tanggungjawab mereka dalam memberikan perkhidmatan terbaik dalam pembangunan komuniti luar bandar.

Bibliografi

- Anuar Long. (2000). *Kebekesanan Jawatankuasa Kemajuan dan Keselamatan Kampung (JKKK) Sebagai Pemangkin Pembangunan Komuniti Kajian Kes: di Mukim Derang Kota Setar, Kedah*. Projek Ilmiah Ijazah Sarjana Muda Pengurusan Kerja Sosial yang tidak di terbitkan, Sekolah Pengurusan Sosial, Universiti Utara Malaysia.
- Aronson, E. (2001). Integrating Leadership Styles And Ethical Perspectives. *Canadian Journal of Administrative Sciences*, 18, 244-256.
- Azlizan Talib, & Hamzah Jusoh. (2012). *Penyertaan Komuniti dalam Bidang Keusahawanan Luar Bandar. Kajian di Daerah Kubang Pasu, Kedah*. Kertas kerja yang di bentangkan

- di Persidangan Kebangsaan Ekonomi Malaysia ke VII (PERKEM VII), 4-6 Jun di Ipoh, Perak.
- Bahagian Pengupayaan Komuniti dan Infodesa, Kementerian Kemajuan Luar Bandar dan Wilayah. (2011). *Permekasaan JKKK/JKKKP*. Diakses pada 23 Januari, 2013, daripada Fiedler, F.E. (1967). *A Theory Of Leadership Effectiveness*. New York: Mc-Graw Hill.
- Ibrahim Ngah. (2009). Ke arah pembentukan komuniti lestari. Dalam Yahaya Ibrahim (Pnyt.). *Komuniti, pembangunan & transformasi*. Bangi: Universiti Kebangsaan Malaysia.
- Institut Kemajuan Desa (INFRA). (1996). *Gerakan Desa Wawasan: Ke Arah Transformasi Kedua Luar Bandar*. Institut Kemajuan Desa (INFRA): Kementerian Pembangunan Luar Bandar.
- Kamarudin Ngah. (1991). *Pengenalan penyertaan awam*. Kuala Lumpur: Dewan Bahasa dan Pustaka.
- Kanungo, R. N. (2001). Ethical Values of Transactional and Transformational Leaders. *Canadian Journal of Administrative Sciences*, 18: 257-265.
- Kementerian Kemajuan Luar Bandar dan Wilayah. (2010). *Buku Majlis Pelancaran Pelan Induk program Pembangunan Luar Bandar*. Putrajaya: Kementerian Kemajuan Luar Bandar.
- Kementerian Kemajuan Luar Bandar dan Wilayah. (2010). *Pelan Induk Pembangunan Luar Bandar*. Putrajaya: Kementerian Kemajuan Luar Bandar.
- Kementerian Pembangunan Luar Bandar dan Wilayah. (2010). *Garis Panduan Tatacara Kerja JKKK*. Kuala Lumpur.
- Kerlinger, F.N. (1973). *Foundations Of Behavioral Research*. New York: Mc Graw Hall Book Company.
- Bahagian Kemajuan Masyarakat dan Luar Bandar (1978). *Seminar Nilain Gerak Pembangunan*. Kuala Lumpur.
- Maimunah Ismail. (1999). Pengembangan Implikasi Ke Atas Pembangunan Masyarakat (Edisi Ke -2). Kuala Lumpur: Dewan Bahasa dan Pustaka.
- Majlis Daerah Kubang Pasu dan Jabatan Perancangan Bandar dan Desa Negeri Kedah. (2009). *Draf Rancangan Tempatan Daerah Kubang Pasu 2020*. Kedah Darul Aman.
- Malaysia. (2003). *Jawapan-jawapan lisan bagi pertanyaan-pertanyaan*. Cawangan Dokumentasi Parlimen Malaysia.
- Malaysia. (2006). *Rancangan Malaysia Kesembilan*. Putrajaya: Unit Perancang Ekonomi, Jabatan Perdana Menteri.
- Noraniza Yusoff. (2006). *Impak Pembangunan Komuniti di Daerah Kubang Pasu dan Pendang*. Projek Ilmiah Sarjana Muda Pengurusan Awam yang tidak diterbitkan, Fakulti Pengurusan Awam dan Undang-undang, Universiti Utara Malaysia.
- Norazian Husin. (2001). *Peranan dan Penglibatan Agensi Kerajaan dalam Pembangunan Komuniti Luar Bandar*. Projek Ilmiah Sarjana Muda Pengurusan Kerja Sosial yang tidak diterbitkan, Sekolah Pembangunan Sosial, Universiti Utara Malaysia.
- Norazrin Sabrun. (2011). *Peranan Jawatankuasa dan Keselamatan Kampung (JKKK) dalam Pembangunan Komuniti Luar Bandar Kajian Kes: Kampung Selat Layang-Layang Kiri, Perak*. Projek Ilmiah Sarjana Muda Pengurusan Pembangunan yang tidak diterbitkan, Kolej Undang-undang, Kerajaan, dan Pengajian Antarabangsa, Universiti Utara Malaysia.
- Nurul Natasha Mat Jusoh. (2012). *Keberkesanan Perkhidmatan Perbandaran: Kajian Majlis Daerah Setiu, Terengganu*. Sarjana Muda Pengurusan Awam Yang Tidak Diterbitkan, Kolej Undang-Undang, Kerajaan, dan Pengajian Antarabangsa, Universiti Utara Malaysia.

- Pejabat Daerah dan Tanah Marang, Terengganu. (2013). *Senarai Fungsi & Tugas Jawatankuasa Kemajuan dan Keselamatan Kampung (JKKK)*. Diakses pada 21 Mac, 2013, daripada
- Penolong Pengarah Jabatan Kerajaan Tempatan (2011). Temubual. Jabatan Kerajaan Tempatan Putrajaya. Oktober 2011.
- Razali Mat Zain. (1990). *Kepimpinan dalam Pengurusan*. Kuala Lumpur: Utusan Publications & Distributors Sdn Bhd.
- Rogers, P.P., Jalal, K. F., & Boyd, J. A. (2008). *An Introduction To Sustainable Development*. New Delhi: Prentice hall Of India.
- Rozali Hashim. (2005). *Pengurusan Pembangunan*. Kuala Lumpur: Dewan Bahasa dan Pustaka.
- Suriati Yusof. (2006). *Peranan Jawatankuasa Kemajuan dan Keselamatan Kampung Terhadap Pembangunan Luar Bandar*. Projek Ilmiah Sarjana Muda Pengurusan Pembangunan yang tidak diterbitkan, Fakulti Pengurusan Pembangunan dan Undang-Undang, Universiti Utara Malaysia.
- Yusof Abdullah, Noor Rahamah Abu Bakar, Junaenah Sulehan, Abd Hair Awang & Ong P Uay Liu. (2011). Komunikasi dan Pembangunan Komuniti Peringkat Desa: Berkongsi Pengalaman antara Indonesia dengan Malaysia. *Jurnal Melayu*, 6, 227-237.
- Yusof Abdullah. (2003). *Keberkesanan Fungsi Jawatankuasa Kemajuan dan Keselamatan Kampung (JKKK) dalam Pembangunan Luar Bandar: Satu Kajian Kes*. Tesis Ijazah Doktor Falsafah yang tidak diterbitkan, Sekolah Pengajian Siswazah, Universiti Putra Malaysia.